

SCRIPT OF EVENING GOJRI NEWS BULLETIN 20FEB 2026 1700HRS

اوننگ گوجری نیوز بولٹین 20 فروری 2026

یوہ آکاشوانی جموں ہے عبیدالرحمان تے نصرت تیں خبر سُنو۔

HEADLINES

۱۔ لوک بھون جموں مانہہ ارونچل پردیش تے میزورم غو یوم ریاست منایو گیو اس موقعہ ور لیفٹیننٹ گورنر منوج سنہا نے ایک بھارت شریٹھ بھارت غا جزبہ نانہہ برقرار رکھن ور زور پایو۔

۲۔ وزیر اعلیٰ عمر عبداللہ نے اپنا وعدہ نانہہ دہراتاں واں کہیو ہے کہ اس سال 30 ہزار تیں متی اسمایاں نانہہ مقررہ وقت غے اندر پُر کیو جے غو۔

۳۔ وزیر اعلیٰ نے کہیو ہے کہ دسمبر 2023 تیں بعد بجلی ٹریف مانہہ کوئی بادو نی کیو گیو تے بجلی غا بل اصل استعمال غی بُنیاد ور جاری کیا جارہیا ہیں۔

۴۔ کابینہ وزیر جاوید رانا نے کہیو ہے کہ رنگ روڈ وستے حاصل کی گئی زمیناں وستے خطہ کشمیر مانہہ 1784 کروڑ جد کہ خطہ جموں وستے 322 کروڑ روپیاں غی رقم جاری کی گئی ہے۔

۵۔ کابینہ وزیر سکینہ اتو نے کہیو ہے کہ جموں کشمیر مانہہ منشیات غا ناسور نال نیڑن وستے اراکین اسمبلی دانشور مزبی رہنما تے بزرگ شہریاں نانہہ سانجی طور ور اپنو کردار ادا کرن غی ضرورت ہے۔

LG STATEHOOD DAY

لوک بھون جموں مانہہ ارونچل پردیش تے میزورم غی یوم ریاست منایو گیو۔ آکاشوانی جموں گا نمائندہ غے مطابق لیفٹیننٹ گورنر منوج سنہا نے دوئے ریاستاں غی عوام نانہہ دلی مبارک باد پیش کی۔ اُنہاں نے لوکاں غی صحت، خوشحالی تے علاقہ غی تیز رفتار، سماجی-و معاشی ترقی واسطے دعا کی۔ لیفٹیننٹ گورنر نے ایک بھارت شریٹھ بھارت غا جزبہ نانہہ برقرار رکھن ور زور دتو۔ اُنہاں نے کہیو کہ بھارت غی ثقافتی تے روحانی وراثت، اس نانہہ دُنیا بھر مانہہ منفرد بناوے تے اتحاد ہم آہنگی غا اصولاں نانہہ فروغ دے۔ اُنہاں نے مزید کہیو کہ ارونچل تے میزورم ملک غی ثقافتی وراثت تے اتحاد غی زندہ مثال ہیں۔ اُنہاں نے مزید اس طرح کہیو۔۔۔۔۔

CM VACANCIES

وزیر اعلیٰ عمر عبداللہ نے اج اس گل نانہہ ایک بار پھر دوہرایو ہے کہ موجودہ حکومت خالی اسمایاں نانہہ مقررہ مدت غے اندر پُر کرن وستے پیر عزم ہے تے رواں سال غے اندر 30 ہزار تیں متی خالی اسمایاں نانہہ پُر کیو جے غو۔ وزیر اعلیٰ نے یاہ گل ایوان مانہہ سوالیہ گھنٹہ غے دوران رُکن اسمبلی پروفیسر گھارو رام بھگت غا ایک سوال غا جواب غے دوران کہی۔ ایوان مانہہ مزید بولتا واں وزیر اعلیٰ نے کہیو کہ بکھ بکھ سرکاری محکماں مانہہ ریٹائرمنٹ ترقیاتی تے دیگر طریقاں نال اسمی خالی ہوتی رہیں اس موقعہ ور مزید بولتاں واں وزیر اعلیٰ عمر عبداللہ نے اس طرح کہیو۔۔۔۔۔

CM POWER TARIFF

وزیر اعلیٰ عمر عبداللہ نے اج قانون ساز اسمبلی نانہہ آگاہ کیو ہے کہ دسمبر 2023 تیں بعد بجلی ٹریفک مانہہ کسے قسم غو اضافو نی کیو گیو موصوف نے کہیو کہ میٹر آلا علاقاں مانہہ کرایہ غو بل اصل بجلی گا استعمال غے مطابق کٹیو جے، جد کہ بغیر میٹر آلا علاقاں مانہہ فلیٹ ریٹ غی بُنیاداں ور بل جاری کیا جئیں تے اس عمل مانہہ کسے قسم غی من مانی نی کی جاتی۔ وزیر اعلیٰ بجٹ اجلاس مانہہ سوالیہ گھنٹہ غے دوران ڈاکٹر بشیر احمد شاہ ویری غی طرفوں چایا گیا ایک سوال غو جواب دیتا واں بول رہیا تھا۔

سہولیات نانہ بہتر بنایو جاسکے۔ اس بارے مزید تفصیلات سانجہ کرتا واں آیوش غا اعلیٰ طبی
افسر تے ضلع یوگا کوآرڈینیٹر ڈاکٹر مسعود اقبال نے اس طرح کہیو۔-----

WEATHER

محکمہ موسمیات نے اج کہیو کہ جموں کشمیر مانہ 26 فروری توڑی موسم زیادہ تر خشک رہن
غا امکان ہیں۔ تے اس دوران کسی وی قسم غی بارش تے برف باری غی کوئی پیشن گوئی نی
ہے۔ محکمہ غے مطابق، پورا خطہ مانہ مجموعی طور ور موسم پُر سکون رے غو، تاہم گجھ
اچا پہاڑی علاقان مانہ ہلکی تین درمیانہ درجہ غی برف باری ہوسکے۔ محکمہ موسمیات نے
آئیندہ کل واسطے گجھ اچا علاقان مانہ ہلکی برف باری ہون غی پیشن گوئی کی ہے۔ ان علاقان
گاہنثیاں تے افراد نانہ ہدایت دتی گئی ہیں کہ وے موسم متعلق تازہ جانکاری ور نظر رکھیں۔
اس بارے مزید گل کرتا واں محکمہ موسمیات غا ڈائریکٹر مختار احمد نے مزید اس طرح

کہیو۔-----
